

進賢縣志卷二十四

藝文

宋樂史撰太平寰宇記祝穆撰方輿勝覽于詩賦序記所載繁多後之人踵而因之說者謂地志之失古法自二書始然久而成例無庸變也今以序記諸文附于各條之下以便觀覽而以舊序與詩編入藝文不獨可以見情事原委亦足爲增勝山川游情藝苑之一助云

藝文

舊序

明成化年修進賢縣志序

王一夔

邑有志其猶家有譜哉家無譜宗派焉分合昭穆焉次序族屬

進賢縣志

卷二十四

序類

一

焉戚疎流寓遷徙之遙遙者奚所考邑無志山川焉形勝風俗焉媿惡疆域焉險易人物名宦之卓卓者奚所徵然則烏可以無志進賢爲豫章壯邑西南昌南臨川北東餘干延袤凡數百里志雖故有而紀載之體繁簡之宜去取之公觀者不能無憾乃成化四年典史維揚孫貴邦瑞政暇因取而修之繁以芟脫以補訛以正人物名宦非卓卓有聲者悉擯不錄不數月隳楮而就緒君子試一覽焉匪獨數百里之山川土俗疆域瞭然目中且於其所紀人物之超邁名宦之彰著者高山景行之念必慨然以興而務企及之其有益將來功豈淺哉此其視世之爲政簿書期會之急而於此不少關心者不亦難得歟邦瑞介予

友上舍陶節彥符徵文以弁諸首予嘉之不辭而爲之書

正德年修進賢縣志序

談一鳳

進賢縣故無志提學先生關中李公謂一鳳曰斯志也乃試修之志成會先生按縣至進賢取之筆削焉已令鐫板以行一鳳竊嘆曰夫余乃今知作志之難也夫志史之流也不工於文而其事備不專於事而其義存故事者貴覈者也義者貴精者也事不覈則治體有妨義不精則於教無補妨體而棄教則無以垂久遠而昭鑒戒二者史之所大忌也史猶不可況於志夫今乃知作志之難也且覈事者未有不稽之衆者也精義者必義者而後精也一鳳始爲志也考載籍咨父老推究形勢尋繹脈

進賢縣志

卷十四

序類

二

絡仰觀星野旁訂文獻萃士羣講蓋三閱月而後志成然其義多昧昧斯繁繁斯雜先生曰夫約以該博史之義故書其大則小者可知也書其異則同者可見也故書其善則惡者戒書其得則失者彰此互見之義也互見則例可不繁一鳳復竊嘆曰余於是又知道之貴約也道約則義精義精則鑒戒昭鑒戒昭則久遠可垂也故曰春秋之例簡以嚴雖然是道也豈惟志哉豈惟志哉一鳳謹叙

正德年修進賢縣志序

楊二和

或有問於予曰子修志乎予應之曰邑故有志成化戊子者志矣弗詳也正德辛未者詳矣猶遺也識者憾焉憾之者誰乎邑

大夫欽靜劉侯簡自德興視篆初索觀之喟然曰一邑之典章
文物夫可遺哉顧民事方殷既逾年嘘枯濡涸剔蠹鋤梗民乃
大裕爰率其丞彭君德輝同教堯君廷璧訪予石灘草堂謬屬
筆焉予早羸且痲竊不自揆亦欲表章先哲三辭不獲命乃試
修之修之奈何曰先儒廣漢張子論志不可不重人物而官守
又民生休戚焉繫故表之編年俾國家世祚而皆之豐嗇才之
臧否一覽可悉也他如山川鄉都之屬則繫於地理貢賦物產
之屬則繫於食貨凡有切於民事者則統曰水利有役於民力
者則統曰建設貤封任子恩典也而旌義榮身之例得附焉廟
壇祠壝祀典也而寺若觀之祝釐得以類焉且予奪僉以輿議
進賢縣志

卷五

序類

三

戊戌補刻

而侯與鄉衮希庵萬公程度具張得取正焉然文獻委於劫灰
要之亦未足爲全志也志修矣亦有資於理乎先哲凋謝典刑
日遠志世道者一展閱焉可以省而鑒可以忻而戚民物故登
也而耗焉風俗故淳也而澆焉人材故昌也而替焉前政故良
也而莫繼焉惟治哉生聚於斯庠序於斯有弗感發而興惕者
耶則侯之憾之屬之汲汲者厥惟旨哉

正德年修進賢縣志序

萬鏜

邑大夫古鄆劉侯以治行調自德興期有月間披邑志喟然曰
是弗邑稱吾責也乃屬鄉先進提學楊公修之增摭刪潤再歷
時成書而余適省覲歸侯來言曰志就刻矣幸序以傳余惟古

者受塵有相勞之義雖不文惡乎辭維昔史法莫備於成周周禮誦訓道方志以詔觀事又外史掌四方之志小史掌邦國之志自後班固作漢書志律歷之類晉人陳壽紀三國事亦以志名我明有一統志藩省府州縣各有分志一統志之成甲子今垂周矣熙洽之餘文物益盛必將有續焉能無取於省府州縣之志乎而他時修史吾又知一統志之必在所取也推本究極茲志固有裨乎史者匪獨吾邑存故實翼政教而已史志雖各爲體而其法貴嚴義貴精詞貴約而達事貴核而無遺大要則同然史有專職有常局有眾長可集有圖籍可稽有予奪之權可執以茲所處較之何如人孰不曰史之重作史之難也而志進賢縣志

卷之四

序類

四

戊戌補刻

嘉靖年修進賢縣志序

傅炯

今之邑有志猶古之有史也馬遷詳於記班固詳於制惟夫子作春秋其義始備然春秋之筆非後學所敢擬議而竊取法焉亦可也邑舊有志採摭未備邑侯南津程君覽之竊有病焉既而石南葉公臨郡欲得邑志以便觀採侯屬掌學兩峰李君同

諸庠彥補輯成帙以呈然猶未備也癸亥之春侯績滿三載士人以旌召相慶而侯且恬然以修志謀於予予曰修志非史筆不可也今翰林大疇萬君內艱居家旣禫矣少參栢亭汪君早年儲養史館者也邑之志能無賴兩賢之筆乎侯乃禮請聚修凡三越月而書成門分類列釐爲八卷於凡山川建置風俗人物田賦典禮遺跡之類一展卷舉在目中且各於類立有言焉庶使覽者知其孰也美孰也疵孰也可因孰也可革孰也爲當法孰也爲當懲勸戒之義昭示於後後之續志者寧不因是而益加倣耶予善斯志無忝古史而有春秋之遺意也遂速匠刻之

進賢縣志

卷三

序類

五

崇正年修進賢縣志序

劉洪謨

大明一統志采自諸藩藩采之郡郡采之州州采之邑邑采之隅里原隰異土沃瘠異宜水旱偏憂盜賊隱伏關係民生休戚於此弗詳至吏治疎濶民患狼狽而後謀之故老呼藥何及矧後紀文獻亦多闕漏如余令嚴建日閱嚴郡志尚未知陳北溪先生流寓嚴陵所謂嚴陵講義四篇大文字裨益吾道迨守漳日始知之以告嚴紳則又未卜補入否我鍾陵志始於成化戊子兩修於正德辛未戊寅聞及嘉靖癸亥萬宗伯修之余孤陋弗及詳適今丙寅丁卯諸紳家食之會陳給諫帖月金太守九如實手編摩邑侯錢行廣布士紳廣布必廣勸如風俗昔淳繼自今

何以居冲守璞去泰損雕行誼昔端繼自今何以敬小慎微稟
道毓德勛業昔灼繼自今何以尊主庇民含英發絢廉節昔崇
繼自今何以儀天聳幹耀日爭光各有肺肝亮不煩祝此日召
杜跨巽揚風懸離掣電亦不煩告也後接軫頰臨者當下車初
首披茲志如某某慈仁廉謹去思晶晶今豈非昔何以紹之某
某文行忠節孤懸皎皎今豈乏人何以培之利孰當興如志中
某利某興然今將安興不至擾及雞豚樊孰當革如志中某弊
某革然今將安革不至受搖左右此亦萬目瞻萬心祝者余自
戊子以來覩南昌府志者二一出范休寧公祖手一出盧莆田
公祖手張新建師序曰譬之爲命一草創之一舉討論修飾潤
進賢縣志

卷三十四

序類

六

色而身任之鍾陵茲志如千卷其實兼四美乎斷於載籍故實
靡所遺漏萬一有之蒐以異日則後之廣今亦猶今之廣昔無
容瞻顧者忻逢改元聖主英裁特炳世道倏更積憤彈冠忠智
應運翱翔一時羽儀百代異時志載此爲左券云

崇正年修進賢縣志序

陳良訓

道二出處已矣出則拾遺補闕採四方事入告明廷臣子分也
處則稽往俟來徵一鄉事存之故實處士義也前後遞承鄉國
遞積不出戶知天下語其理耳志者志其事則未有不先窺四
域而遽言寥廓者予所以弗揣而妄臆茲役也予進不腆然景
員環抱人文輩出明興志進賢者四而世廟癸亥以後志無稽

焉六十載簡編埋蕪若夢若覺日月循環今又一甲子嗟乎此亦鍾陵大缺事而學士薦紳家所不容已也予曩備使署署最富圖籍二三兄弟皇華越國得郡邑志必歸守府予慨慕斯役久之已讀禮又待罪瑣垣燹廟四年譴歸遭乙丑丙丁之間逆璫薰灼羅織士大夫動以文字筆墨爲阱予自是扃戶塞兌穎楮俱謝故弗逮耳丁卯八月以後泰道旋回星日漸朗一時在朝在家並可明目張膽證嚮論議於是里食君子僉曰修志其時乎紀一邑因紀世局之治而亂亂而治雖一日亦千古雖一邑亦天下也而予黥淺勤編摩以備草創邑大令蔣侯暨諸君子遂命屬鐫第事惟存實語不溢文稽其履而東西南北畫矣

察其氣則剛柔燥濕從矣凡習尚貢賦建置秩祀厚生利用叶藻勵修一一條具臚列客有過鍾陵問焉展卷而如行其地如覩其人也雖然志成矣予所喜者鍾陵山川聳秀士生其閭饒負聰明介特沈毅勇敢之性而又代有名長吏躬先道化講率坊表故凡在仕籍昂昂鬚眉矜名節而重建樹修文誼而甘澹約遇國家大事不逐羶不畏酸此道旁魄蒸寒流轉進邑自宋迄今士大夫相守未壞也余與諸君子約願言千秋共存古意出爲名世處爲真儒進其永有榮遇焉若余不肖天下事久以待後之乘風奮翼者矣而忽拜綸召旦暮殫竭芻蕘矢猶本色此物此志無二道也書爲序

崇正戊辰修進賢縣志序

金廷璧

自班固易司馬遷入書爲十志志固史一體也今郡邑志其名沿於固其義例實備諸史以志地則夏之禹貢姬公之職方以志人則遷之世家列傳年表以志事若言則左邱明之春秋傳國語匪才識學兼長烏能勝其任而愉快我國家治平日久文章寢盛郡邑什九有志然而不究志所繇病則未知志所繇得何者才情具矣而縱心孤異者有之識力短矣而安心故常者有之佹佹靡從若宣務山亢仇城吳臺鵠長安薺則譌也栖栖學步若盲師鼓唱村婦踏歌則猥也至若膠東增戶日子虛亡是烏有相詔則幾於誕矣若曹邱游揚甘陵分部則幾於偏矣

進賢縣志

卷之四

序類

八

凡若此類皆志病也考吾進志嘉隆以前經先輩創述者凡四嗣是六七十載文獻缺焉不備當事者懼焉因多梁侯政暇之餘惓惓留意業已與吾黨有成謀矣旋以艱去屬學博達吾李君檄諸生具草然而人各領款分編卷帙散漫未嘗參會歸於一致暨聞鐘湖蔣侯自東汝調至銳志以畢斯役爲快而年友陳式甫喟然曰築舍道旁終無成日扣亦吾輩之羞也慨以身任討論之責閱拉余爲商度而余時以釋吉北征未能供朝夕之役一切修飾潤色俱式甫爲政大都舊志所不收或收而失實或訛而相冒或混而無別或析而無當者悉釐之如時政利病因革有關國計民生者則必詳如疆域星野山川古蹟邱墓

故志所遺及昔存而今廢者則必書如名宦鄉賢諸人品故所
沈寔失收抑在後進者非輿論僉諧則不登如典禮始末訛舛
莫正寺觀故址沒於草莽者則必參覈備紀藝文非雅馴及有
關風教者則不錄庶幾無前數者之病焉詞約而該事詳而核
義正而嚴可以言述亦可以言作可以言志亦可以言史從此
吾黨立德立功立言者有所仰止而吏茲土者觀土風以驗隆
汙察民情以酌政令按往事以備法戒因時損益之得其所爲
志卽得其所爲政矣故觀於一邑而天下郡國可觸類而知也
吾輩權非袞鉞職存掌故司馬子長所謂整齊故事以俟後之
君子者庶在茲乎

進賢縣志

卷十四

序類

九

康熙年修進賢縣志序

聶當世

今天下治化之涵濡旣久文章之氣運聿新會在廷冢輔議徵
千載之典籍緝當代之闕遺一統志用以光贊邳理彰鉅典也
聖天子曰可於是制撫暨藩臬各上憲下教郡州縣長吏悉覈
所部幅員風土租絲官師文物彙爲書上之而余以黥淺承乏
鍾陵曩已酉歲曾蒐輯舊乘守藏史委諸劫灰又造請邑縉紳
士而議多盈廷謀同作舍蓋數年而未克畢斯役亦數年而不
敢稍釋諸懷也爰訪諸且評酌以夙契擇可委以事者若陳祥
符丞時懋江明經墨饒明經植章文學兆瑞等各協心并力操
筆墨以從求成化正德時孫尉貴談廣文一鳳志無從睹焉嗣

得嘉靖萬少宗伯浩崇正陳中丞良訓各所修志又得熊部郎人霖所手集未刻進乘存稿既登舊章因輯近事憲序史於統爵之酌問稗官於齊諧之言部分裒益罔臆罔漏總惟

昭代憲章是式又閱表以南昌府志與江西通志閱數月而編次定再閱數月而剴劂竣迺得藉手觀盛事之成則凡志所由修與修之所以爲利一邑者請得而昌言之矣蓋志猶史也然史所指歸存予奪是非雖囊括函夏究非重鉅不錄故其義遠而該簡而有直體志則存累代之故實垂不刊之令典大而方輿封井人文政績節烈勲名雉堞蠻序小而里道津梁物產土俗嘉言逸行奇蹤異術例得旁搜博記補史所不逮其以宏訓進賢縣志

卷二

序類

十

保治始如射者之的乎是則是微在茲矣御者之前車乎是懲是些亦在茲矣倘或令斯土者問販章之廣狹土宜之沃瘠則壤之輕重政治之臧否風化之儉奢水利儲積之廢置德行事業之絢爛高士逸民之名氏而不知也豈特左史所恥承祚所非抑亦備官之道實有關歟況進所錫履視古諸侯近承省轄觀天之文則長沙旁垂象章章有光至唐武德實始受名歷宋元以迄有明之季盛極而際衰矣幸值我

世祖皇帝應天定鼎乙酉

王師廓清豫章則茲土首入版圖幸脫湯火土弦歌而民樂利上御極歲星且周德化彌洽文教誕敷進固豫章之巖邑也而

文獻亡徵紀載弗備其何以對揚

丕烈遐暢

皇靈哉故是志聿成攷輿地而知維天垂曜斗呈其形流峙奠位地效其靈物力之蕃息曷滋而羸習尚之浸蕩孰軌於經覽建置而知有明之初維津維梁迺墉迺壑官署有章文廟孔碩若亭若臺若壇若壝節地力以紓之務斯擴和大勞以逸之民是若稽賦役而知厥田惟中中惟下下厥賦惟上上錯而且戶口有征稅糧有征徭役有征以莫不作絀而取盈緩而移急其曷以蘇民瘼闕典禮而知維辟奉天維王定制率土共凜尊親軌物乃爲世礪核典祀而知聖教鼓鐘胡不煌煌傍及有德亦

進賢縣志

卷十四

序類

十一

廟宮墻下至寓賢無缺烝嘗鑒職官與良吏而知棠蔭垂奕葉之慕遺愛興輿人之歌其人如何其政如何其後之思亦如何溯選舉與人物而知鳳凰鳴矣翾翾其羽以功以節孰爲其伍女德士貞亦實世補鏡雜錄而知災異必謹遺蹟必登佚事之有係於民生必述藝詠之有關於名勝必增凡若此者綱舉目張條分縷晰井井秩秩郁郁晶晶一代之令典數百年之故實一展卷而炳如也燦如也耀

皇靈而制治恢

帝訓以奠封志也而史矣而竊有慮者風俗觀王道之成進素習樸茂說禮樂而敦詩書故前志曰民率忠朴士高節概風候

近馴金矢鮮入今則寢失其初矣雖鄉黨自好者不乏而簞簞不飭箕帚詬誶辱人賤行者所在皆有則防範之宜豫也禮教之宜講也此所冀於進者一也貢賦爲國家之重務進緣僞漢陳友諒怒南昌爲元堅守卽以民租制糧較宋元舊額實逾三倍故一邑之維正竟與九江郡等且進土視他邑倍瘠甌窶者禽饗之汙邪者草宅之如田腴遇歲每畝課穀入不越十餘斗七八斗五六斗止耳其饒確而無年反是若額賦則以十畝餘科糧一石是則盡土之毛不足供有定之額追呼能保其不逋乎丁壯能保其不棄產而逃乎磬磬鴻鴈何以策之此所患於進者又一也所賴方今

進賢縣志

卷三

序類

三

聖天子敦本崇治廣厲師儒而猶切饑溺由己之思上憲嘉惠元元計久安圖長治海隅日出一道同風業已登春臺遊化日終不令進獨向隅耳乃容有造余者曰是志也成進大觀固具是矣雖然邑之人而旣衆矣後先湮沒之材良能必其搜採不遺乎卽罔遺矣而未厭覬覦之私烏能箝訾議之舌悠悠邱里不自昔難諧也耶予曰否否天下所不可執者私也可執者公也曩鄧文潔序郡志曰無所以不朽志無益也有所以不朽不志無損也此明於公私之說也况

聖德含宏治理洋溢秉彝之在人三代之直道未泯也孰敢有逞其臆漏以紊我

昭代之憲章也者書曰無偏無黨王道蕩蕩無黨無偏王道平
平其今日之謂乎獨我下吏治行碌碌蒙貿寡文欲以是上應
聖天子之明詔併副各上憲督率勤求之至意不知有當芻採
焉否也殊深歎踏云殊深歎踏云時同修教諭謝與成邑人副
使饒宇枳貢生陳時懋生員章兆瑞江墨饒植

道光三年癸未重修進賢縣志序

朱楣

進賢縣舊爲南昌重鎮晉太康唐武德時俱經置縣旋置旋廢
自宋崇寧二年置縣始相沿至今昔漢灌陰定豫章郡師過於
此宋末元師攻豫章都統密祐邀戰進賢之龍馬坪至今遺蹟
猶有存者蓋東南之藩蔽閩浙之門戶也嶺嶠諸山自南來峰

進賢縣志

卷十四

序錄

十三

巒綿亘至進境豁呀豁開汝水經進內涵泓演迤數百里以達
於湖山水最雄秀又當四達之衝物阜人夥省門以東屬縣無
與爲大唐宋間人文輩出前明舒文節張正野熊壇石諸公繼
起功名氣節彪炳史策風俗彬彬與鄒魯同矣我

國家以文治天下山陬海澨罔不嚮風史臣方修一統志大憲
因之各脩省志斯乃學士大夫所以潤色鴻業也而進以山水
與區扶輿靈淑之氣積久彌盛則鋪陳盛美表揚風烈固官斯
土者不可辭之責矣余以嘉慶庚辰承乏茲邑越道光壬午奉
各上憲命重脩邑志而舊志脩於康熙初迄今百數十餘年板
本漫漶不可辨乃復求得乾隆庚子羅志抄本因禮請長沙大

史賀君蔗農主其事相與發凡起例徵文考獻五閱月而書成
賀君以史館才覃精著述又得邑士舉人黃元善文逢瑞廩生
周廷芝饒林森萬叔權生員張文賓等協心並力贊襄其間則
此書之足以信今傳後無疑也余以薄劣膺繁劇之任常懼弗
稱然一邑中山水之險夷田賦之多寡戶口之增耗風俗之淳
漓皆可按籍而稽是故盈尺之籍數寸之圖不出戶庭而周知
四境進之民涵濡

聖化蒸蒸日上進於古余樂斯民之安吾拙也而適值是書之成
有可以佐余治者是亦余之厚幸也夫

道光三年癸未重修進賢縣志叙

賀熙齡

進賢縣志

卷二十四

序錄

十四

昔漢蕭相國入關先收天下圖籍宋朱子知郡下車之始卽詢
郡邑志百務未遑而汲汲以此爲先務者何哉誠以志者山川
道塗之廣狹郡國人民之增減紀綱風俗之上下於此焉著不
披圖籍以握綱維無以周知其故而爲張弛之本也進賢之有
志始於前明成化之孫志繼此則有正德之談志楊志嘉靖之
萬志崇禎之陳志然皆不傳今所存者惟

本朝康熙之聶志乾隆時脩而未成之羅志耳大令朱君鞠坪
履任之三載深恐年代濶遠文獻無稽廼搜采散佚屬志於余
余惟進賢稱南昌之壯邑地大物博其山川則三台九曲拱衛
而環遶也其人物則臧子真戴潤州之所邀游伯顏子中包實

夫舒文節熊壇石諸公之所鍾靈而毓秀也其戶口則昔寡而今衆田畝則昔蕪而今闢賦役則昔繁而今省吏治民風則猶熙熙然往古之遺也而數十年中潛光隱德伏而未曜將欲網羅散失表微闡幽深慚謏陋無能爲役所幸邑中賢士徵載籍考前聞譌者訂之闕者補之相與孜孜校讐贊襄成事余或可藉手以告無過也乎夫舊唐書人議其煩新唐書復譏其簡則甚矣著作之難也劉義仲摘歐陽公五代史之譌誤爲糾謬一書以示東坡坡云往歲歐公著此書初成荆公謂余盍脩三國志余所以不敢當者正畏如公之徒掇拾於其後耳余繼前人之後踵而述之豈敢云無寡陋之弊以貽當代之譏而其兢兢

進賢縣志

卷十四

序錄

五

可自信者則不敢瞻徇依託以求當於三代直道之公舉要芟繁以期有補於政治風教之大如是而已

道光三年癸未重修進賢縣志序

王泉之

諸侯之寶三土地人民政事自秦變封建爲郡縣而邑令亦稱侯焉進賢因星而得名自晉大康改鍾陵爲鎮或陞爲縣或仍爲鎮或爲鍾陵或爲進賢迄宋崇寧而縣各始定編戶一百九十八里幅員視古諸侯稽其土地何以使西南不憂旱東北不患潦而高下咸宜也察其人民何以使老弱無溝壑之轉少壯安耕鑿之常而戶口日增也觀其政事何以使絃歌洽夫比戶風俗進於恬熙而治臻上理也非賢有司因勢利導與時消息

煦嫗而噢咻之安見野無曠土民無天札誦讀不輟而禮樂可
興哉朱君菊坪之泣進也其鞠人謀人可謂養與教兼至者矣
下五坂地濱彭蠡素稱沮洳民有田疇河伯虐之大成梓溪爲
尤甚朱君捐廉築圩連獲有秋進邑土瘠民貧俗敝習偷往往
有棄女不育者朱君曰長吏有子民之責慈衆恤孤之謂何遂
倡修育嬰堂而活人無算曲水書院建於治東師不入館弟不
從遊城闕興茂草之傷朱君詳定章程延邑之品學素優者主
講其中增膏火黜浮華朝考夕稽彬彬焉鄒魯之風焉其貧民
居則石田而良田矣匡民生則無母而有母矣作民氣則向善
而遷善矣此豈俗吏之所能爲乎民氣樂而頌聲作郁郁乎登

風俗之書行見著爲治譜公諸海內不誠可帥而可法哉邑志
自康熙癸丑經前令聶君當世續修闕百五十年板殘字蝕文
獻將無所徵厥後魏君攀龍思重編之稿未定而中寢及余澀
爭此地日與草竊相糾纏迨萑苻遯而芝陽之檄又下遂有志
焉而未之逮豈興舉之間亦有數存耶朱君慨然謂時旣推移
事益繁滋邑志不脩將有金石烟雲零落散軼之感謀諸鄙人
事職分纂者若而人司校對者若而人然不有人焉集其成將
必固陋貽譏矣因延其同年友賀蔗農太史爲總修取舊志參
互考訂規撫而揚摧之摘端抉委授古證今發爲議論詳而能
核簡而有要其土地人民政事釐然如數家珍不逾年而志成

非僅搗華藻工鞶帶之辭已也洵古之所稱良史歟今觀沿革
諸志而裁汰鹽引一條未載進邑額銷萬二千引地隣南新而
鎮居民就近買食引多不銷屢獲愆尤余力乞大憲裁引八千
歸南新融銷官民稍逭其咎舊志向不載非畧也余豈敢言功
哉補之紀其實耳視朱君以慈惠之師播循良之譽養民教民
則豈乎後矣是爲序